

07 IANUARIE
RUGACIUNEA 7
SF. PROROC
IOAN BOTEZATORUL

МОЛИТВА

Святой Предтече и Крестителю Христов Иоанне! Проповедник сый покаяния, кающихся не презри нас, но молися ко Владыце Христу за нас, недостойных рабов, унылых, немощных, во многия грехи впадших. Смерти убо чаем, о гресех же наших николиже поболехом и о Царствии Небеснем не попекохомся: но не презри нас, Крестителю Христов, честный Предтече, болий рожденных всех, постником и пустынноником наставниче, чистоты учителю и ближний друже Христов. Тя молим, к тебе прибегаем: не отрини нас, просящих твоего заступления, обнови души наша покаянием, еже есть второе крещение: твоим ходатайством пред Господем испроси нам очищение грехов. Уста недостойная вопиют к тебе, и душа смиренная молится, сердце сокрушенное из глубины въздыхает: простри пречистую твою десницу и защити нас от враг видимых и невидимых. Ей,

Господи Иисусе Христе! Молитвами святого
Иоанна Крестителя Твоего, изряднее же
Пречистыя Твоя Матери, Владычицы нашея
Богородицы, спаси нас, грешных рабов Твоих,
кающихся о гресех. Ты бо еси Бог кающихся, и
на Тя, Спасителя, возлагаем надежду, славяще
Пресвятое Имя Твое, со Безначальным Твоим
Отцем, и со Пресвятым и Благим и
Животворящим Твоим Духом, ныне и присно и
во веки веков.